

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**PROGNOSTICA=||TIO IOANNIS LIECHTENBERGERS, QVAM
OLIM SCRI-||psit super magna illa Saturni ac Iouis
coniunctione, quae fuit Anno M.CCCC.||LXXXIII. praeterea
ad eclipsim Solis anni sequētis uidelicet ...**

Lichtenberger, Johannes

Köln, 1526

Capvt dodecimvm

[urn:nbn:de:bsz:31-160364](https://nbn-resolving.org/urn:nbn:de:bsz:31-160364)

CAPVT DVODECIMVM.



Longissimo quoque tempore post astorum confi-
 gurationes, & eclipfationū apparitiones, ipsis
 omnino cessantibus, effectus continuari ac for-
 tificari consueuerūt. Quoniam ut premittit in ani-
 malibus, omnium operationū fundamentū est ex
 corde, & suis spiritibus, tanquam ex principio, ad
 quorum impetuofam alterationem, ut dictum
 est, omnes spiritus uirtutum alterant. Alterati sunt ergo spiritus geniti
 ad similitudinē proprietatū uirtutum caelestium, unde generat indi-
 uiduum radicatus in se habens proprietates influxus caelestis, tanquam
 naturam sibi inditam. Et talis consequenter fit processus in successo-
 ribus, secundū fortitudinē & habitudinem cōfigurationis astrorū.
 Cognitio etiam animalis fortis alteratiōes alterare habet foetum nul-
 lo alio nobis cognito interuenienti. Quod considerabat Iacob non
 recepturus pro sua mercede de gregibus ouium foci Laban, nisi
 varias & sparso uellere. Gen. xxx. Ponebat ergo uirgas populeas,
 & ex parte decorticauit in canalibus ante oculos arietum & ouium,
 ut in earum cōtemplatione conciperent, factumque est ut parerent ma-
 culosa acuarā, & diuerso colore dispersa. Idem etiam attestat Aui-
 cenna canone primo, Fen secunda dicens, Et est etiam cum corpus
 patitur propter affectiones animales, plerumque imprimunt natu-
 rales dispositiones, quare accidit ut puer ei similetur, cuius formam
 imaginata fuit mater cum fuit conceptus, & ut sit eius color propin-
 quus colori eius, quem uidit cum fuit casus spermatis. Quare impetu-
 bus existentibus in uulgo & imaginationibus, & estimationibus di-
 uersis, spiritibus etiam gignitiuis alteratis, generatur indiuidua par-
 ticipantia in similibus tanquam in naturis proprijs. Hac uia crescūt con-
 suetudines & mores, oriuntur leges, continuant sectae. Simili quoque
 modo cōsuetudines & proprietates regionales ortae durant. Illis em
 continuant & perficiunt effectus & significationes omnium applica-
 tionum astrorum, donec ad finem periodi in astris praefiguratae, iux-
 ta proprietatē suam perueniant. Aut donec altera applicatio in mu-

O

PROGNOSTICVM IOANNIS

tatiua aut destructiua rerum dictarū superueniat, anteq̃ periodus per constellationē præfigurata compleatur. vnde effectus tales longissimo tempore cōtinuari possunt, ut apparet in multis sectis. Talia ergo euenire non est supersticiosum credere. Nam maior coniunctio fuit in Scorpione sub imagine Bridani, & nouam sectam inuenit̃ hæresiarcha Bohemorū, Vuicleff, Hierony. Hullo. & Rockenzana. Sed præsens sub imagine terribili incensi, per quam Romanam ecclesiam intelligimus, heu passuram cum clero innumerabili Depost adueniet una de Aquario, per quam Romanū Imperium cessabit sub imagine Alphoras. Et depost in Capricorno aliam uidebimus sub imagine Aquilæ, per quā Imperium scindet̃ in decē partes. Alia ueniet coniunctio in Libra, sub qua nascetur ex tribu Dan puer, qui faciet multa mala. Om̃i ergo rei factæ periodus statuta est, & quis plurimi legistatores statuto, & regnorum perpetuitatē intendant, sed cælum illud non patitur.

DE AERIS QUALITATIBVS,
& annonis istis annis in generali
aliqua differam.



Lbumazar nanc̃ tractatu. vi. differētia. viii. ex eleuatione Saturni supra Iouem, frugum infert destructionem præ aeris nimia siccitate, & pauca eius humiditate. Sed ut ipse Anthonius ca. x. & Hali testatur, cum Mars fuerit coniunctionis dispositio, multas pluias cum damno denūtiat. Ex quibus sibi inuicē aduerfantibus æqua ponderatione, ac debita cōmixtionis ratione habita, aeris temperamentum in passiuis qualitatibus inferri forte licebit. Ego autem dico talem signatorū temperantiā fieri non posse, utriq̃ nanc̃ damnū inferretur ex signatorum malicia. Dico ergo q̃ aeris qualitati damnosæ erunt tam siccitate superflua, q̃ humiditate exuberante. Erunt nanc̃ pluias multas in temporibus non oportunis, & cessabunt atq̃ deficient cum utiles forent. Martis nanc̃ humiditas ad germinadū mi-

nime est cōueniens, imò impetuosa suffocatiua. Imbres nancꝝ pro-
ducit, nymbos, pcellas, turbines, tēpestates nociuas floribus & arbo-
ribus, herbis et frugibꝝ. Sed Iouis & Veneris maxie amīcabili humi-
ditate uegetabilia alunt, augetū, pubescūt, & maturitatē assequūt.
His itaqꝫ ac alijs plurimis testimonijs facile inferri poterit frumenta-
riæ rei penuria. Martis etiā uitio ab armigeris annona intercipiūt.
Saturni quoqꝫ radio ascendente anno inficiē, alijs male disponēt,
alijs fraudulenta cupiditate subtrahetur. decreuit etiam uentos pesti-
feros inducētes morbos, terras uitiantes & steriles reddentes, naues
impedientes, & durabunt tempora longa hæc mala.

CAPVT VLTIMVM DE SPECIFICATIONE
aliquorum climatum uitio Saturni
infectorum.



Vod quidam inscī dicunt, qꝫ constellatio solū
agit uniuersaliter, & nō particulariter. quibus
dicto philosophi est respondendū, qꝫ uniuersalia
non existūt nisi in particularibus. & destructis
particularibus uniuersalia nō existerent. Iudex
astrorum potest particularizare sua iudicia secū-
dum modum & sententiā Hali, Ptolemæi di-
centium, Signum ascendens alicuius ordinationis siue intronifati-
onis principis uel climatis, indicat fortitudinē uel debilitatem prin-
cipis uel subditorū eius, uel terræ.

Anno domini. M. cccc. lxxxviij. M. cccc. lxxxix. M. cccc. xc.
erit fertilitas bona & magna in principio anni. In locis siluestri-
bus ac montuosis pruinæ & gelu inficient arborum fructus in Ale-
mania, & cis fluuium Rheni & Germania. In terra occidentali cir-
ca Angliam, & Arthois, Hynnegau, Flandriam, & circū qua qꝫ
caritas magna. effusiones sanguinum, incendia plurima, multa ma-
la, ac noua inaudita exurgent ibidem, quæ auribus hominum

○ ij